



ZARAUZKO UDALA

ZARAUZKO UDALERRIKO IKASTETXEEI PROGRAMAK OSAGARRIAK EGITEKO DIRULAGUNTZAK EMATEKO OINARRI BEREZIAK

1. Helburua
2. Eskaerak
3. Prozedura
4. Dirulaguntza emateko irizpide objektiboak
5. Zuzkidura eta aurrekontuko partida
6. Ebazpena: Organo eskudunak eta jakinarazpen-epea.
7. Dirulaguntzaren xedea justifikatzea (*kontabilitateko liburuak eta erregistroak, epeak eta forma, ordainketa aurreratuak...*)
8. Dirulaguntzen abonua eta aurrerakinak
9. Publizitatea
10. Araudia

1. HELBURUA

Oinarri hauen helburua da Zarauzko udalerriko irakaskuntza arautuko zentroek dirulaguntzak eskatzeko eta horiek, norgehiagoka araubidez, emateko prozedura arautzea. Ikastetxeek garatutako jarduera eta programen interesa bat etorriko dira **Hezkuntza Sailaren** programen helburuekin, beti ere Udal Eskola Kontseiluari kontsultatu ondoren.

Dirulaguntza hauek eskola-batzordeek bultzatutako jarduerak finantzatzeko sortu dira, eta hezkuntza-eskaintza osatzea dute helburu.

Espresuki dirulaguntzen emakidatik kanpo utziko dira irakaskuntza arautuko ikastetxeak ez diren erakunde guztiak.

Honako helburuak dituzten ekintza osagarri hauek egiteko eskatu ahal izango dira dirulaguntzak:

1. . Eskola-komunitatearen (ikasleak, irakasleak, gurasoak) bizikidetzan hobekuntza ekar dezaketenak.
2. Ikaslearen kreatibitatea, gaitasun pertsonalak eta autoestimua bultzatzen lagunduko dutenak.
3. Giza eskubideen eta bakearen kulturaren defentsa bultzatzera bideratutakoak.
4. Ohitura osasuntsuak bultzatzera bideratutakoak: elikadura, higiena, kirola, aisia, sexu-harremanak.
5. Gizarte-gaietan parte-hartzeko eta inplikatzeko kultura (asoziazionismoa, elkartasuna, kultur integrazioa, auzolana...) bultzatzera bideratutakoak.
6. Lan-arriskuen prebentziora bideratutakoak.
7. Ingurumenarekiko sentsibilizatzen bideratutakoak.

Egingo diren jarduerak beren helburuen artean beti izan beharko dute eskolako giroa hobetzen laguntzea.

Dirulaguntzak jarduera hauek egiteko eskatu ahal izango dira:

- Euskal kulturarekin lotutako jarduerak, hala nola folklorea eta gorputz-adierazpena.
- Zarauzko udalerriko ezaugarri nagusiak ezagutzeko jarduerak.
- Hezkuntza Sailak Udal Eskola Kontseiluari entzun ondoren onartu eta baimendutako beste guztiak.

Diruz lagundutako jarduerak koordinatzea eta ikuskatzea Hezkuntzako Udal Ordezkaritzari dagokio.

2. ESKAERAK

Eskolaurre, LH, DBH, Batxilergoa eta Zikloetarako eskolak ematen diren Zarauzko irakaskuntza arautuko ikastetxeek eta APA Orokieta H.E.- Balurdin Guraso Elkarteak eskatu ahal izango dituzte dirulaguntzak. Legearen arabera eratuak eta dagozkien erregistroetan inskribatuak izan behar dute, behar den IFZ eduki eta beren jarduera Zarauzko udalerrian garatu. Halaber, zerga-betebeharrak, Gizarte Segurantzakoak eta Udal honetako betebeharrak egunean izan beharko dituzte.

Eskaerek baldintza hauek bete beharko dituzte:

1. **Hezkuntza Sailaren urteko deialdian** zehazten den eskabide ofizialaren eredia betez egin beharko dira.
2. Programa edo jardueraren ordezkari edo pertsona arduradunak dirulaguntza eskatzeko inprimaki ofizialaren gelaxka GUZTIAK beteko ditu.

Udaletxeko Erregistro Orokorrean hilabeteko epean aurkeztu beharko dira, dagokion deialdia Gipuzkoako Aldizkari Ofizialean argitaratzen den egunetik kontatzen hasita:

Udaletxea: Etxezabalan astelehenetik ostiralera 07:30etik 15:00etara.
Ostegunetan 07:30etik 19:00etara

Eskaerarekin batera Zarauzko Udaleko Ordenantza Orokorreko 14. artikuluan ezarritako dokumentazioa aurkeztuko da.

3. PROZEDURA

Dirulaguntzak emateko prozedura Zarauzko Udaleko Ordenantza Orokorrean ezarritakoa izango da.

4. DIRULAGUNTZARAKO IRIZPIDEAK

1. Dirulaguntzak emateko ondorengo puntuak hartuko dira kontuan, eta eskaerarekin batera doan memoria labur batean egiaztatu beharko dira:

- a) Jarduera zentroaren urteko planaren eta hezkuntza-proiektuaren barne hartuta egotea.

- b) Programa eta hezkuntza-kalitatea optimizatzea.
- c) Udalerria sustatzea.
- d) Ikasleen prestakuntza eta garapen pertsonala.
- e) Zentroak euskararen erabilera sustatzea.
- f) Genero-ikuspegia txertatzea, emakume eta gizonen egoera, baldintza eta premia desberdinak kontuan hartuta.

2.- Banaketa ikastetxeko aktibitateetan parte hartu duten talde kopuruaren arabera izango da derrigorrezko hezkuntzan eta erabiltzaile kopuruaren arabera, besteetan.

Dirulaguntza osoaren %70 derrigorrezko hezkuntzan banatuko da eta %30, besteetan.

3. Dagokion partidako aurrekontu-kontsignazioaren mugara arteko dirulaguntzak emango dira.

4.- Salbuespen gisa, banku-bermeko gastuak diruz lagundu ahal izango dira, diruz lagundutako jardura modu egokian prestatzeko edo burutzeko ezinbestekoak baldin badira, eta horien onarpena Balioespen Batzordearen iritzira utziko da.

5. ZUZKIDURA ETA AURREKONTUKO PARTIDA

Dirulaguntzen zuzkidura eta aurrekontuko partidak Hezkuntza Sailaren urteko deialdietan ezarriko dira.

6. EBAZPENA

Ebazpena Zarauzko Udaleko Ordenantza Orokorrean ezarrita dagoenari jarraiki egingo da.

Organo eskudunak

- Antolamendua eta instrukzioa (Instrukzio-organoa): Hezkuntza Saileko arduraduna.
- Azterketa eta balioespena (Balioespen Batzordea): Kide anitzeko organo bat, dirulaguntza ematen duen Saileko informazio-batzordeko kideek osatutakoa.
- Ebazpena (Organo eskuduna): Alkatetzari edo Tokiko Gobernu Batzarrari egokituko zaio, Udalaren administrazio-antolamenduan une bakoitzean indarrean diren eskumenekin eta aldi bateko eskuordetzeekin bat etorritik.

Jakinazpen-epea

Dirulaguntzak emateko jakinarazpen-epea Zarauzko Udaleko Ordenantza Orokorrean ezarritakoa izango da.

7. DIRULAGUNTZAREN ERABILERAREN JUSTIFIKAZIOA

Dirulaguntzaren erabileraren justifikazioa Zarauzko Udaleko Ordenantza Orokorrean ezarritakoari jarraiki egingo da, eta Hezkuntza Sailaren urteko deialdian ezartzen den epean aurkeztu beharko da.

Onuradunak modalitate hauetako baten bidez justifikatu ahal izango du, ezarritako baldintzak bete direla eta dirulaguntzaren emakidan aurreikusitako helburuak lortu direla:

- **Justifikazio-kontua**
 1. **gastuaren frogagiriak ekarrita**
 2. **ikuskariaren txostena ekarrita**
 3. **erraztua**
- **Moduluka egiaztatzea**
- **Kontabilitate-egoerak aurkeztea**

Justifikazio-kontuak gutxienez informazio hau izan beharko du barne:

- Dirulaguntzaren emakidan ezarritako baldintzak bete direla justifikatzeko **jardueramemoria** bat, burututako jarduerak eta lortutako emaitzak adierazteko.
- **Memoria ekonomiko** bat, egindako jardueren kostua justifikatzeko, eta hauek barne hartuko dituen:
 - **Jardueraren gastuen eta inbertsioen zerrenda sailkatu bat**, hartzekodunaren eta dokumentuaren identifikazioa, zenbatekoa, jaulkipen-data, eta hala badagokio, ordainketa-data biltzen dituen. Dirulaguntza aurrekontu baten arabera ematen bada, gertatutako desbiderapenak adieraziko dira.
 - Urteko edo ikasturte oso bateko dirulaguntzen kasuan, dirulaguntza kobratuko den kontu-korronte/euskarriko mugimendu guztien xehetasuna aurkeztuko da, hain zuzen ere, diruz lagundutako epealdian egindakoa.
 - Aurreko paragrafoan aipatzen den zerrendako **gastuaren frogagiriak**, edo pareko frogabalioko edo administrazio-eraginkortasuneko dokumentuak, dirulaguntza publikoaren xedea bete izana ziurtatu ahal izateko.
 - Diruz lagundutako **jardueraren kostu orokor edota zeharkako kostuak** alde aurreko portzentaje edo kantitate zehatz baten bidez konpentsatuko dira, justifikatu behar izan gabe.
 - Diruz lagundutako jarduera finantzatu duten **beste diru-sarrera edo dirulaguntzen zerrenda zehatu bat**, zenbatekoa eta beren jatorria adierazten dituen.
 - Hala badagokio, aplikatu gabeko geldikinen kasuan, diru-itzuleraren eta horietatik sortutako interesen ordainketa-gutuna.

Gastuen frogagiriak dituen justifikazio-kontua erabiliz gero, alde aurretik ezarriko da justifikaziorik behar izango ez duen goren muga (portzentajea) edota kopurua. Goren muga edota kopuru zehatza Hezkuntza Sailaren urteko deialdian ezarriko da.

Orobat, joan-etorrien, mantenuaren eta abarren gastuak modulu bidez justifikatu beharko direla erabaki da. Modulu horien zenbatekoak Hezkuntza Sailaren urteko deialdian onartuko dira.

8. DIRULAGUNTZEN ABONUA ETA AURRERAKINAK

Dirulaguntzen abonua Zarauzko Udaleko Ordenantza arautzailean ezarritakoari jarraiki egingo da.

Ordainketa aurreratuetan egin ahal izango dira justifikazioaren aurretiko fondo-entrega moduan, dirulaguntzei atxikitako jarduerak burutzeko nahitaezko finantzaketa gisa, **aurrez behar bezala justifikatutako eskaera eginda**. Nolanahi ere, azken zatiaren abonua egindako gastuaren justifikaziora baldintzatuta geratuko da.

Dirulaguntzaren abonua ikastetxeek eskolaz kanpoko jarduerak egiteagatik ordaindu beharrekoa kontuan izan gabe egingo da.

9. PUBLIZITATEA

Dirulaguntzen onuradunak diruz laguntzeko den edozein programaren, jardueraren, inbertsioren edo jardunen izaera publikoari buruzko publizitatea egin beharko du, euskaraz edo euskaraz eta erdaraz.

Publizitate horretan Zarauzko Udaleko Hezkuntza Sailaren erakunde-irudia txertatu beharko da derrigorrez, eta baita finantzaketa publikoari buruzko hitzak ere txartel, plaka oroigarri, material inprimatu, euskarri elektronikoa edo ikus-entzunezko, edo komunikabideetan egindako aipamenetan.

10. ARAUDIA

Oinarri berezi hauetan aurreikusi ez den orotan arau hauek aplikatuko dira: azaroaren 17ko Dirulaguntzen 38/2003 Lege Orokorra (azaroaren 18ko BOE); horren garapenerako Erregelamendua, uztailaren 21eko 887/2006 Errege Dekretuaren bidez onartua (uztailaren 25eko BOE); eta Zarauzko Udalak eta bere Erakunde Autonomoek dirulaguntzak emateko Ordenantza Orokor arautzailea.